

元和縣志卷之三十

寺觀

像教西流化人東驚二氏興而梵刹琳宮幾遍
區宇奉其教者遂奔走之若狂矣自古迄今雖
迭見興替要與壇壝祠祀並存緣其徒以善果
福德之說誘天下故集事易而功之終廢者鮮
也爲存其建置夷燬之由附于攬古搜遐之例
俾宰世軸者或得以考且以覘風教之盛衰焉

志寺觀

元和縣志

卷三十

寺觀

一

東禪教寺在城東地三畝吳赤烏二年陳丞相宅池
中生瑞蓮遂捨爲寺名鎮國院唐大中間敕東
禪明覺寺宋建隆時異僧遇賢號林酒仙嘗居之
寺中有祠祠後有紅豆樹猶傳爲遇賢手植云

寶光講寺在城東北隅鬱林太守陸績捨宅建門有
鬱林石初名鬱林石寺吳赤烏時郡守請額賜今
名至明洪武初開拓郡城廢爲軍營始遷寺于跨

塘橋西

今屬長洲縣鬱林石見吳寬記

北禪講寺在城東北隅利三畝晉戴宅唐司勳郎

中陸洿居此按吳郡志乾元寺唐有之今不知所
在然顧况撰乾元寺記有云晉高士戴逵子顥之
宅而皮日休陸龜蒙避暑北禪寺聯句亦云歛蒸
何處避來入戴宅則今北禪卽古乾元寺也宋
祥符初賜名大慈中有大通閣觀堂

元黃
潘記

雨花堂

禁蛙池

萬壽禪寺在城東利一畝晉義熙中西域僧法愔建
名淨壽院梁改安國唐改長壽宋大中祥符二年
丁謂奏改萬壽禪院崇寧中詔加崇寧尋改天寧

元和縣志

卷三十

寺觀

二

紹興中改萬壽報恩光孝禪寺爲徽宗薦嚴之地
唐時僧貫休嘗居此休號禪月大師故寺有禪月
閣嘗畫十八羅漢像頗著靈異寺前周廣順中所
立尊勝石幢猶存

吳越軍節度上柱國邵
思寶周承禮等題名

元末兵

燬明洪武間重建

學士宋
濂記

嘉靖辛丑巡按舒汀改

爲長洲學僧證果移佛像就寺之東結茨覆之仍
稱萬壽庵僧通泉變服南遊蓄貲矢復歸覓天宮
寺後基地依銀杏三株構講堂重門闕宮奉善財
伽藍二像挈其徒元炯道因居之萬壽禪財院

天宮寺在城東利一畝初自晉末初名武平後廢爲
民居唐景福五年光祿大夫許台捨宅僧了然建
改今名明正統九年僧宏演發地得二鐵像因初
說法堂景泰辛未建大殿有碑記寺僧詩文著名者有聽源月江
印宗水知慧川萬峯元
若歸繼登有七高僧傳

普福寺在城東北隅婁門路初自晉朝後廢僅存殘
碑半截及土山銀杏三株大各二十圍順治初僧
遍雲普潤矢願興復走關東募緣時當積雪赤足
立雪中經旬不懈施舍輻輳癸巳歸吳恢復基址

元和縣志

卷三十 寺觀

三

鼎建大殿祖堂齋堂天王殿

宗伯韓
莢撰記

靈鷲教寺在城東北隅亨一畝梁天監中僧永光建
名永光寺又名東林院明隆慶六年大殿回祿崇
禎三年里人潞安府幕褚於仁重建僧守靜又募
建藥師殿天王殿禪堂

廣化教寺在城東北隅後梁乾元三年諸葛氏捨宅
建名崇吳禪院宋大中祥符元年改賜今額中更
兵火淳熙二年都僧正清立善醫以所得藥資增
建經樓宋景定間改爲長洲學今爲文忠烈公祠

雙塔禪寺在城東南隅唐咸通中州民盛楚建名般若院吳越錢氏改羅漢院宋雍熙中王文罕建兩磚塔對峙遂名雙塔至道初賜御書四十八卷改壽寧萬壽禪院紹熙中爲提舉常平祝聖道場提舉徐誼嘗給以常平田嘉熙中重建明永樂八年僧本清重建康熙十五年里人唐堯仁捐資建天王殿山門方丈禪堂法堂

定慧禪寺在雙塔寺西初名西方院本雙塔之子院也宋祥符中賜今額始貳於雙塔寺僧定欽與蘇

元和縣志

卷三十

寺觀

四

長公善公遊吳於竹下構嘯軒待之及謫惠州使其徒卓契順寄詩慰安公書歸去來辭以遺之明正統中勒碑于寺康熙初傾圯里人唐堯仁捐貲建大殿觀音殿重修彌勒殿

積慶禪寺在善教橋北宋開寶八年郡人盛名捨宅建僧法翌開山紹興間賜額元季兵燬明洪武初

僧普照永樂中僧永宗戒坦相繼重建

今名李王廟

靜德庵在城東北隅貞三菴舊名報恩庵宋元祐中

僧寂慶建

資壽寺

一云尼寺

在城東隅宋紹興間建有正法堂又有

磚浮圖靖康中邑人翁氏建

石像庵在城東北隅貞三晷宋淳熙間僧清一墾地

得石觀音像因建明萬歷初僧大千定蓮增建大

雲閣

鄭敷教記

光明庵在城南仁一晷宋淳熙間僧永安建明萬歷

中重修崇禎末燬康熙間僧咸益重建

圓通庵舊名通元在城南宋淳熙間僧原淨建

圓明庵在城東北 宋嘉泰間建元至元癸未重修

元和縣志

卷三十 寺觀

五

火智寺在城東北隅貞一晷宋端平元年萬戶姚人

郎捨宅建僧本筌開山景定二年賜今額明洪武

間汰去庵院存十二大寺大智與焉

崇慶庵

一名百花庵

在城東北隅亨四晷宋淳祐八年僧

法冲建元大德間重建

普福院在城東隅元至元間浦氏初建後廢僧覺證

重建

黃潛記

金井庵在城東北隅亨四晷元至元間建後燬明洪

武初重建

佛慧庵在城東北隅元大德十年僧法亮建造爲北
禪寺子院

慈雲庵在東北隅元至大間瑞沙門開山明僧祖道
重建

昭慶寺在城東北隅利一菴元天歷元年宣政院阿
咱刺建僧懷壽開山至正元年復建旃檀閣

黃潛記

獅子林寺在城東北隅貞一菴元至正二年僧維則
建則多聚奇石狀類狻猊故名十二年賜額菩提
正宗寺內有卧雲室立雪堂問梅閣指栢軒禪窩

元和縣志

卷三十

寺觀

六

竹谷諸勝溪壑深邃岩石玲瓏爲一時絕境

歐陽元記

史官王爨有
遊獅子林記

明嘉靖間爲勢家所佔止存彌陀院

萬歷二十年僧明性具奏追復敕賜聖恩寺額藏
經全部重建普光明殿順治八年僧海翔甬東居
土陳大賢領衆重修建藏經閣乾隆二十二年
皇上南巡駕幸寺中

賜鏡智圓照匾懸三世佛前

天龍庵在城北利三菴元至正己丑僧惠慈建爲北
禪子院明萬歷己酉郡紳繆國維捐貲僧廣乾重

修西構蘭陵祠東築橋浚池以爲放生地

曇華菴在城東地三畝舊名東材菴元至正間僧圓淨建

盧師菴在東南隅仁三畝明成化間都御史韓雍勅建

萬壽菴在城東北隅貞三畝明嘉靖間廢萬壽寺爲學宮禪月山房僧眞果移佛像就寺之東結茅覆之千戶唐岳捨地勅菴嗣僧鷲峯募郡紳徐如珂捐貲拓地建山門正殿禪堂香積準提閣

元和縣志

卷三十

寺觀

七

磐陀庵在城東地三畝明萬歷三十五年南溟僧性海創建後漸圯崇禎十五年郡紳申紹芳捐貲修康熙九年燬辛亥僧原淨本易復建

普濟庵在城東地三畝原名茅堦堂士人金汝珂捨別業建崇禎六年侍御顧宗孟重建傍有顧氏家祠順治十六年靈岩僧洽化等重修改今名

慈航庵一名青松庵在城東仁三畝侍御顧宗孟捨建敦

請寧波僧無能設置慈航庵座無主屍骸順治八年

僧悅然募建大殿禪堂

內有碑記

三昧庵在城東北隅正三畝天啟間有老僧結茅爲
庵康熙乙酉僧月林易以瓦屋顏今名壬戌鄧尉
僧天傑置庵後隙地建寮舍厨廡構三世佛殿
善慶庵在城東北隅貞三畝崇禎間僧大慧寂音建
杯渡庵在城北亨三畝明崇禎間僧覺支建
寄葉庵在城東北隅貞三畝明崇禎間僧等倫卽祖
居改建康熙癸丑擴建大殿方丈禪堂及厨廡寮
舍山門又置庵後額田以半築基建大悲閣五楹
半爲飯僧田

元和縣志

卷三十

寺觀

八

報本庵在城東南隅仁一畝明崇禎間重建康熙庚
申冬織造副使胡士拔感神夢越明春得石像於
葑門接渡橋荒草中如所夢矢願捐修迎像於庵
月聲庵在仁孝里道義街祀張中丞國維祁巡按彭
佳塗邑侯必宏慕中丞天顏丁方伯思孔李邑侯
念茲韓上舍馨

尚書沈德潛有記

生生庵在城東地三畝百獅子橋東順治初庠生顧
廷椿捨基僧繼文募建
壽星庵在城東南隅仁一畝康熙間僧法舟重建

以上城內

雲巖禪寺在虎邱晉王殉及弟珉別業也咸和二年捨建卽劔池分爲東西二寺會昌間毀後合爲一

宋至道中重建

王隨記

景祐中建御書閣

葉清臣記

紹興

中宋達建藏殿

張浚記

尋遭兵毀元至元四年僧普

明重建

黃潛記

明永樂初重修

楊士奇記

崇禎己巳冬大

殿文殊殿萬佛閣浮圖悉燬於火巡撫張國維重建大殿 順治初總戎楊承祖重建天王殿康

熙乙未大殿毀齏使李煦重建

元和縣志

卷三十

寺觀

九

聖祖仁皇帝敕賜匾額恭懸於寺

宸章煥爛山林梵刹亘古常垂光曜云

額凡九俱見山阜

壽聖教寺在九都綵雲里半塘中有雅兒塢晉道生

誦法華經童子死葬此義熙十一年商人謝本夜

聞誦經聲旦見墳生青蓮花事聞詔建塢名法華

院宋治平間賜今額紹興七年重建元時寺僧善

繼血書華嚴大部藏寺中明學士宋濂題跋今猶

存

保聖教寺在二十都甫里梁天監二年初建宋祥符

六年僧惟吉重建殿供釋迦旁列十八尊者神光閃耀形貌如生江南北諸郡佛像皆莫能及相傳爲唐時聖手楊惠之所摹寺之西北有安隱堂

有歸

光記

崇福教寺在三十一都尹山梁天監二年僧佐律建寺有澹臺滅明書院宋尹和靖慕其勝曾僑寓焉元末傾廢洪武初僧永隆駐錫嘗運巨木鳩工鼎新明季又圯康熙壬戌里人鄉飲賓顧士禎捐資重建

元和縣志

卷三十

寺觀

十

慈報庵在二十七都梁天監二年僧戒眞建宋祥符八年燬慶歷五年僧契高自錢塘來復建後燬明景泰六年承天寺都綱永端與弟自悟建

大覺教寺在二十七都大姚山梁天監間僧道邦建寺有東明子院頗幽勝

白蓮講寺在二十都甫里梁天監間創唐大中間修後爲陸龜蒙別墅祠堂在焉宋熙寧六年僧惟吉重建

永壽教寺在二十七都席噓陳湖之左唐大中十一

年刺史管洪捨宅建僧眞悟開山內有普賢殿宋元符間寺僧海眞悟繼重建明初傾圯宣德間僧正宗勅建大殿

五福庵在二十都唐中和間僧法智建

永慶庵在二十二都下雉瀆五代廣順元年僧祖慶建宋建炎初瑞光寺僧懷秀重建永樂元年僧源湜再建

文殊菴在九都沈塘村宋至道三年僧智殊建爲金山寺下院明宏治間僧克修至能葺嘉靖間郡紳

元和縣志

卷三十

寺觀

十一

陳塗陸師道倡衆重建

王鏊記

金福講寺在二十六都周莊宋元祐間建淳祐二年周迪功郎更新之景定間敕賜金額嘉靖初燬僧秋壑慈念良能繼勅順治戊子總戎楊承祖捐俸修建

青蓮庵在九都石牛頭卽古圓覺庵宋紹興三年僧本立建賜額明正統七年僧善璫葬母圓覺廢址旁卽此建庵後漸圯順治十一年僧願如重建

化城庵在葑門外葑四畝宋紹興四年僧普濟建明

磧砂寺僧妙顯操行清高嘗居此庵

佛慧庵在虎邱寺東宋紹興間僧無善建徑樹幽僻
有鍾秀軒明僧默堂名其室曰簡默堂

磧砂禪寺舊名延聖禪院在二十六都陳河之北宋
乾道間僧道源建詩僧天紀嘗註周伯弼所選三
體詩名磧砂唐詩中有大藏經板明永樂十五年
僧智端重修建

普利庵在葑門外減渡橋北宋淳熙間僧永寧建明
隆慶間僧廣成重建

元和縣志

卷三十

寺觀

十一

接待教寺在婁門外

一名勝感寺

宋嘉定間僧淨梵建有

元音堂含暉樓挹清閣止息齋雲深處一掬軒松
花室聽聞室明宣德間僧 有中重修康熙間郡
紳蔣德峻重修峻兄維城以良田五十畝捨之

崇福教寺在二十八都章練塘宋嘉定間僧德修建
寺有靈山堂額係宋徽宗御書明永樂元年僧宗
器重修建

清遠庵在二十六都周莊宋淳祐間建明初兵燹僧
玉琳復興之萬歷中又燬崇禎十四年僧照音重

建

青蓮庵在二十九都宋咸淳二年建久廢順治十年僧物外募建

石牛庵在九都通國橋西宋咸淳六年僧志珍建初名卽山庵明萬歷二年僧維靜重建因庵前有石牛相傳唐時物更今名

法華教寺在葑門外斜塘宋僧用宣及其徒行遇建取半塘法華舊額爲名

馬庵在九都馬庵浜原名永福元至正二年僧天如

元和縣志

卷三十 寺觀

十三

建

白椎庵在九都晉竺道生放生處元至正間僧慧觀建初名文殊庵明洪武間僧道衍駐錫其中更今名萬歷間僧湛明重建

楊安寺在閭門外楊安浜元至正間建明初漸圯正統間重修建

十方禪院卽永慶庵在周莊元戊子年僧志修建澄庵在九都上津橋北明洪武間建萬歷三十六年僧天然重修

現瑞庵在葑門外二畝明宏治間僧清修建天啟七年僧照晗重修

海慧庵在葑門外古石家滙東卽普利庵廢址明萬歷四年五臺僧如海購地建初名海會順治十二年僧濟巖改今名

染香庵在婁字二畝明萬歷間僧寄浮建庵左向有廣孝阡係洪武三年設崇禎七年巡撫張國維給帖修復

仁壽庵在東十九都萬歷間中翰許元祐建

元和縣志

卷三十 寺觀

十四

蒲庵在九都明天啟間僧慎獨建

接引庵在二十四都黃瓜涇橋內明崇禎七年士人龔允培爲僧淨雲建

戒幢律院在九都舊爲徐太僕西園子工部浴

復古歸原寺崇禎八年興建改今名

甘露律院在閶門西半塘初僅一茶亭崇禎 僧淨

起建經堂佛殿康熙九年藩司慕天顏復建殿閣卽庵前至西山廟橋官河爲放生池禁網捕淨起復有退居與院址相接名香岩庵

佛華禪院在九都彩雲里明崇禎十六年鄧尉僧宏
壁建

海藏庵在東十九都本里人中翰許元祐梅花墅順
治三年子孝廉元溥捨建

右僧坊

修真道院在城東北隅平江路慶歷橋南宋淳祐間
道上李祖真建奏請賜額明嘉靖中道士石文獻
拓址修建

回真道院在城東北隅苑橋巷宋咸淳二年道士沈

元和縣志

卷三十 寺觀

十五

道祥建內奉呂祖像呂嘗自稱爲回道人故名順

治己丑道士鄭秉中重修 鄭敷教記 康熙甲寅道士周

宏教建天倪堂

衛道觀在城東北隅貞二畝宋咸淳間綿州道士鄧

道樞游于吳得上官氏廢圃建明初頽廢宏治間

道士張復淳重建初名會道嘉靖辛丑遷長洲

學於城東以觀在學後形家言此爲學之外衛巡

按舒汀爲易今名命有司重新之 大學士嚴訥記

老君堂在城東北隅利三畝明萬歷 松江朱國

盛建堂以奉垢仙劉真人康熙乙卯道士施道淵
重葺今爲全真派居之

已上城內

善成道院在婁門外官瀆初自唐初廢興不一康熙
壬子郡紳蔣德峻捐建斗姥閣道士吳昭科募緣
恢廊峻兄維城復將間壁市房四間捨之

通明道院在下二十都甫里鎮之西張滙宋祥符間
建明崇禎末里人戴章甫沈養舟重建

澄虛道院在二十六都周莊宋元祐間建

元和縣志

卷三十

寺觀

十六

龍井莊道院在葑門塘元至元間鄧道樞建明洪武
間里人瞿漢卿修今爲僧舍名龍井庵

通神道院在陳墓鎮元天歷間建爲何蓑衣真人下
院明正統間道士顧永和重建

崇福道院在婁門外元元統初道士周守仁建

報恩道院在葑門外明洪武初道士周元初建有來
鶴軒元初奉母苦行清修院旁其母林氏墓在焉

靈官廟在葑門外明初建康熙中道士陳慶雲重修
祐聖山居在九都二十九畝明宏治甲子道士楊道

常建康熙乙卯道士徐日清等復建斗姥

右道觀

普濟堂在虎邱山塘

育嬰堂向在元妙觀內因乳婦散處未便稽查乾隆

五年江蘓巡撫張公請

旨改置王廢基構數百廛聚居乳婦以便查察

錫類堂在結草庵前陞任郡守姚孔鈞修掩埋之政

以革火化陋俗詳 憲建置

廣仁堂在清真觀側先是邑善士費廷俞等倡廣仁

元和縣志

卷三十

寺觀

十七

會爲有墳而貧不能葬者代營窆窆後遂買地觀
旁建堂爲司會公所

永仁堂在虎邱山塘乾隆十七年善士張雲龍周振

緒憐貧人無棺尸骸暴露募緣施棺暫借南濠水

神閣居停請尚書沈公德潛主堂乾隆十九年中

丞莊公有恭撥給山塘前巡撫韓公世琦祠旁隙

地建堂韓祠久爲僧售他姓衆善士捐資贖出中

奉韓公香火西建大門茶廳堂終未建乾隆二十

六年布政司安公捐銀一百兩堂未克成諸善士

釀金爲會以建此堂規模宏敞椽桷煥然沈尚書
德潛爲記

三樂堂在東禪寺林酒仙房堂供文昌帝君像乾隆
十二年里中好善者捐金修葺適中丞莊公有恭
飭行各屬建惜字局知蘓州府劉慥檄行長元兩
學王廷嵩費天修議設於此兼行放生

臨海義莊在元邑九都二畝雙欄杆橋贈通議大夫
戈元鑰初置田四百畝贍族臨終命其子候選州
同黃鴻候選知府黃泳貢生黃淮候選知府黃湘

元和縣志

卷三十

寺觀

十八

擴而大之乾隆庚辰黃鴻等續置田六百畝共一
千餘畝創立規條族之瑣獨無依及廢疾者計口
歲給米三石六斗貧者自五十以外歲給如其數
六十以外者兼給以布帛寡婦孤子加厚焉貧不
能爲子婚嫁者給銀二十兩其無父母者倍之貧
不能殯殮者給銀十兩葬如之無力讀書者給以
從師費莊中備十三經二十一史諸書有志者得
以取閱遇考試量遠近給資習藝者歲給米三石
春秋祭埽修葺墳塋纂輯族譜咸取諸此有餘則

貯莊以備水旱立莊正一人莊副一人司其出納
建屋四十餘楹中設宗祠祀遷吳始祖堂而以贈
通議大夫地憲配朔望集子姓展拜申瓣香以盡
追遠之誠其制詳密周備可以惠宗族而綿世澤
乾隆二十六年六月署兩江總督高晉江蘓巡撫
陳宏謀江蘓學政劉鏞合詞以

聞 田在本邑者十一畝二分五厘在長洲者七百五十四畝九厘三毫在吳邑者二百三十八畝九分八厘共一千零四畝三分二厘七毫

潯陽義莊在乘鯉坊西有宗祠雍正九年候選員外

元和縣志

卷三十

寺觀

十九

郎陶篠偕族從諸生尚瀆等祀奉明蘇州衛千戶
從征交趾鹹子關死事俊及篠父贈奉直大夫世
魁置贍族義田一頃五十畝篠自捐田一千畝捐
金千八百兩建祠三十三楹立莊正莊副司會司
莊各一人按口而算計日而給喪葬婚嫁有助鰥
寡疾廢有卹貯經史諸書許子姓能讀書者取閱
月給膏火制與范文正公書院略同乾隆十五年
總督黃廷桂巡撫覺羅雅爾哈善學政莊有恭合
詞以

聞田在本邑者三百九十四畝六分一釐四毫在長洲者九百八十二畝三分五釐在吳邑者四十八畝一分八釐共一千四百廿五畝一分四釐四毫

又元和舊與長洲共一官壇在葑門外近邑民周永奇捐助義塚四畝四分七厘六毫邑令張若熾詳請元和始另置官壇一所在地在二十四都二十九畝受字圩附記於此